

宋诗纪事

宋詩紀事

宋詩紀事卷六十六

錢唐厲鶚輯

平湖陸銘三勘定

徐儼夫

儼夫字公望平陽人淳祐元年進士第一官至禮

部侍郎

直鈞和韻

一曲湖邊一釣磯桃花風定柳綿飛漁人豈識濠梁趣祇

解沙頭盡醉歸

東歐詩集

王應麟

應麟字伯厚其先汴人後居鄞淳祐元年進士寶

祐四年中博學宏詞科度宗時官禮部尚書兼給事中入元始卒有深寧集

唐開成年墓誌石

元至元二十七年城中握蘭橋旁民家築室穿土得誌石一片其文乃唐開成四年太原王夫人之墓誌謂其曾祖王元涪在元宗時拜諫議大夫左庶子慕巢由之志辭疾不就前宋尚書王應麟爲詩以紀其事

鴻濛肇開闢變嬗幾成毀寥寥斷竹歌瓦墮荆姚似周墳典以族詎認青烏子公琴記咎繇邢山稱重里葛滄失之矯璠璣過于俊焉知宮夾墓莫識龜言水銅槃字十六銘自比于始延陵有孔子烏虓半辭止漢馱猶簡樸石章俊

華靡無媿惟有道媚俗多虛美七松談士良何以懲不軌
載筆鮮南董襲浮謬臧否豈悟冢中人三百年不死婦名
弗出閭古未有碑誅謚見春秋初誌起典午氏簪蒿隱士
妻芳刻垂千祀楊高託不朽習之文中理或犯葵丘禁息
國事何恥蛾眉爲黃土磨滅更誰紀宰如此何人雒邑之
士女逸民儒仲裔冰雪濯紈綺采儷古鄞州儉勤終暮齒
口問幾何年頗與銅人似雖微黃絹辭亦質而不俚正夷
池又平蓬穎今塵市聚廬寒劫灰餘光輝泥滓或行松柏
下勢榮朝菌爾隆碣牛礪角翁仲臥荆杞蘭艾均一塵玉
珉同一燬孤竹夢茫然柳下蘆孰是片石幸有傳詩以貽

彤史

王尚書遺藁

澤民廟

唐大歷開明州刺史吳謙築九里堰民德而祀之

城西有祠臨水溪翠松列植路如砥問之耆老此爲誰唐
大歷中吳刺史刺史爲民開陂湖故蹟猶傳堰九里年年
簫鼓報豐穰決渠爲雨潤澤美遺愛有橋名懷恩姓名不
載太史氏昔漢吳公治第一列傳寂寂名無紀刺史豈其
苗裔歟明州政亦河南比堂上大書荆公詩蘭菊春秋百
世祀地誌祇稱王長官有功于民蓋一揆吾聞是邦多賢
守裴王碑字顏與李惟侯盛德著人心彼石可焚祠弗圮
廣德湖爲鴻隙陂名棠藥社誰敢毀秭稔克羨侯之賜
食長存如此水

延祐四明志

錢端綜

端琮淳安人淳祐元年進士

暮春

園林深處綠成堆更著松陰一徑苔
煙欲過牆風約轉水將爭港石衝回
斷雲收雨鳩呼婦嫩麥盈隄雉應媒
獨有殘紅春不管等閒飛入酒卮來

四朝詩

馮去非

去非字可遷號深居南康都昌人
椅子淳祐元年進士幹辦淮東轉運司
寶祐四年召爲宗學諭

江上

清秋不可柰先自嬾登樓一雁叫寒水
數峯生遠愁乾坤消劒氣江海笑詩流
不解人閒事眠鷗儘自由

所思

雁自飛飛水自流西風不寄小銀鈎斜陽何處橫孤篔簹十

二闌干一樣愁

以上詩家鼎鑪

金陵鳳凰臺

許大乾坤裏那無一鳳鳴臺敲紅日晚梧拂翠雲生瑣瑣

六朝夢悠悠千古情寒潮如有恨時打石頭城

景定建康志

偶成

春風吹送笑談香玉漏銀燈破夜涼歸去東華聽宮漏杏

花落盡六更長

愚見紀忘云宋時內樓五更絕柳鼓交作謂之蝦蟇更禁門方開百官隨入所謂六更也馮去非詩云云

句

流聲暮寒人暮漸天邊數士

茶疎緣睡少

全芳備祖

言端與語曾景

曾翁欲齋昔古論香蠹具築景如對古圖階之終高屬

欲字宏父存詩蓋大善如論終書亦三平自氣

命題鳳山書院

暮春浴罷振春衣正是流觴修禊時世事藏機應落落人

情忘我總熙熙醉能辭醉原非醉詩到無詩乃是詩偉矣

蘭亭眾君子不將文字立藩籬品

書卷寶

麟帖綜聞宏父跋云宏父劫鳳山書院于廬陵去郡城遠不二三里深得林泉之勝雖夏旱冬涸澗流自如稍東即泉所發源地鑿石引水以為池

號流杯池置亭其上友人維揚倅朱行父閒拉十數親友緬蹈前躅因刊禱圖并考訂所以親為小詩贅于後時淳祐改元歲次辛丑斗柄插亥上

澣甲子日也

董史字

史字良史號閑中老叟有皇宋書錄三卷淳祐壬

寅自序

題米元章書蹟拓本

書家寶晉始猶龍妙用通神五指中墨海波瀾無定勢元
雲天矯欲隨空格高韻勝存人品脚闊頭空笑俗工建紹
聖入精鑒賞奪真移在玉屏風

皇宋書錄高宗哀集米芾墨跡為十卷元章劇跡咸萃焉史家藏拓本嘗
妄贊其後

俞文豹

文豹字文蔚括蒼人著吹劍錄淳祐三年自序

曾徐進齋得古銅香爐具象鼻眼博古圖謂之象鼻屬

余賦之雖不足言詩聊記曾見

在象數前鍾鼻眼出囂塵外鑄形模傳香到手親曾見全
勝人看博古圖

願得身遊海外天蓬萊頂上覓沈箋爲君喚起槐安夢細

讀南華內外篇

自注泉州守王庭珪香譜云箋次于沈出占城國

吹劍錄

王平子

平子吳郡人尤工小詞

題雪獵圖

烽火一息三千年漢家將軍畫凌煙胡兒不識征戰事龍
沙萬頃今桑田麗譙聲裏梅花月雲暗雪深風色惡長嘶
不騎驄蟬聯狼帽羶裘寒襲鏃鞬鷹走犬登平岡狂狐剔
眼夢飛揚貫鵬落雁真戲劇高鳥畧盡良弓藏鳳鳴居士

口雙碧少年讀書勇無敵但知橫行翰墨場豈料一禽終
不獲向來百非今已無筆端有口聊自娛故將胷中磊落
事寫作人閒雪獵圖

吹劍錄

盧一鉞

鉞字威仲永福人淳祐四年進士官太學博士咸
淳中以顯謨閣學士知隆興府官至侍郎

王吳興舟中

笠澤高風寒凜凜苔溪凝雪白皚皚扁舟我獨乘歸興自
是不因安道來

後村千家詩

和太師平章魏國賈公大雪遣潛侍郎之作

底用封書禱梵林瑞霙先臘感由心豫知農畝宜禾稼復

喜邊儲足輦任民樂齊宮誇往昔捷歌周成屬斯今變調
妙造推元老治象陽明無伏陰

咸淳臨安志

陳合

合字維善長樂人淳祐四年進士官知樞密院終

資政殿學士諡文惠

題陳經國龜峯詞後

西晉風流自一家憶君魂夢到梅花梅花深處無人跡明

月一枝霜外斜

龜峯詞有所齋諸兄為之跋安用復著贊語漫書癸卯冬所作懷舊一絕繫于後陳合維善龜峯詞

汪立信

立信字誠甫號紫源先世新安人自浮梁徙六安

淳祐七年進士歷官端明殿學士江淮招討使元

兵至建康扼吭死之贈少傅

金陵懷古

勝地尚存龍虎氣荒臺已失鳳凰蹤六朝文物山川古霸

氣終歸指顧中

新安文獻志

葉隆禮

隆禮號漁林嘉興人淳祐七年進士官建康府西

廳通判改國子監簿

烟雨樓和朱南杰韻

傍家亭館占湖東寂寞為鄰祇陸公竹樹一隄如有礙乾

坤萬象自無窮權歌遠入秋波綠塔影中分晚照紅尊酒

待遊烟雨猴畫圖著我笠蓑翁

至元嘉禾志

馬廷鸞

廷鸞字翔仲號碧梧饒州樂平人淳祐七年進士

度宗朝歷官參知政事兼同知樞密院事拜右丞

相以觀文殿大學士提舉洞霄宮瀛國公卽位名

不至自罷相歸又十七年卒

贈程楚翁

汗竹丹鉛側空花粉黛中尚懷丞相亮冑署大夫雄有客

來今雨誇予邁古風幽情傾不竭渺渺碧雲東

新安文獻志

程瑞

瑞字希鳳號梧岡饒州人幼與同郡馬廷鸞相友

隱居自娛馬登政府未嘗以仕進干之

詠梅

清淺溪橋水高低籬外枝這些風骨異瘦盡古今詩

中洲野錄

陳鑒之

鑒之字剛父閩縣人淳祐七年進士有東齋小集

過吳江

垂虹四年別森森來夢境今晨整芒屨柳風吹鬢影春光
徹重淵蛟困綠波靜遠帆有無處小立爲徐領浩歌翁自
得白髮亂垂頸一室世誰知三萬六千頃平生小鄰意此
際味差永翁月平分歟吾其辨漁艇

晚登京口倅廳富覽

窮途逢偉觀小閣江萬里薄暮岸幅巾寒烟四山起天河

注平淮斗柄臥蘆葦欲返還少畱燈青客船尾

京口江閣和友人韻

良辰仍我輩斗酒大江邊小閣納萬里一帆來九天世塵
黃鵠外詩興白鷗前地勝吾衰矣長懷李謫仙

題鄭承事所作蕙蘭

蘭如君子蕙如士此評吾得之涪翁有餘不足姑勿論畢
竟清幽氣類同

有感

霖雨何人記子桑朱門車馬漲塵黃百年友誼須英槩畫
虎何妨效季良

同劉叔泰放步湖邊入靈芝寺坐依光良久叔泰誦